

蠶

司

合

誌

西河合集

蕭山毛奇齡

字一名雋稿

川得名綱卿校

蠻司合誌

雲南

三

沅江那中洪武初歸命授世襲土知府嘉靖三十年
那鑑以爭襲殺土知府奪其印嘯聚數千人流劫郡
縣巡撫石簡督兵進討鑑詐降請赴軍門而親帥勁
賊與左布政使徐樾抗戰樾至沅江鑑奔江上流人
馬飲之輒死師少却鑑乃縱象騎直趨樾軍殺樾巡

按趙炳然以狀聞詔奪簡官而責黔國公沐朝弼令戴罪殺賊朝弼調土兵大勦鑑敗自殺遂革土官收印令臨安衛指揮一人往署之然其印猶藏那氏毋文移指揮取印必以夷兵蜂擁送印至環伺之署訖復擁去萬歷中土舍那天福篡兄自立卽鑑孫也老撾近安南成化十六年安南王瀨以兵攻老撾連破二十餘寨殺二萬餘人逐宜慰使諸蠻震動先是太監錢能貪贖密以文幣良馬易瀨珍寶因與瀨往來互市瀨嘗遣使入臨安大理假爲商賈貿易其地至是蹂躪近邊間有窺內之意朝廷飭將吏隄防而

諭瀨還國。瀨聽命去。旣而瀨復以兵六萬再攻老撾。
值老撾有備，敗歸。死者二萬餘。瀨大憤，自將兵九萬。
繼之復爲滿剌伽所躡，覆其軍，死者三萬。瀨憤且慙，
得疾去。十八年，車里宜慰報陵兵數萬，駐老撾界上。
八百所報亦如之。未幾，又去。嘉靖中，老撾宣慰刁攬
章入告言：安南應襲長子光紹爲叔父所逐，出亡老
撾，欲調象馬送還其鄉。而廷臣恐啟邊釁，謂邊臣義
無私交，倘構隙有形，其患叵測。當勅責攬章以私納
之罪而遣光紹歸國，詔從之。

嘉靖十四年，安南叛人武嚴、威武子陵等亡命居雲

南邊界木尼州與八寨長官司副長官瓏徹教化三部長官司土舍張澤交通已而安南國人捕二武急移文八寨二武疑瓏徹貳已誘執之黔國公沐紹勛及撫按官奏請敕府縣衛所所在防守遏其豕突而遣使布朝廷威德以取回瓏徹并寬張澤等以私通之罪上是其言後瓏徹還而武嚴威等亦遁去餘竟勿問

緝密產寶石武宗朝錢能出鎮每歲採辦至嘉靖初猶然巡按劉泉疏止之不聽時猛密酋思真猶在也年一百歲凡採辦例必先應官府然後與商賈貿易

每一往五六百人其屬有地羊寨在猛密東往來取
道所必經者寨中男婦皆黃睛鰲而類鬼翦舊銅器
聯袂之纏兩足間以爲飾然工幻術能易人心腎手
足致死卽馬牛亦然時以採辦者多人有強索其食
者旣去腹痛死已而所乘馬亦死剖之則馬腹皆土
石也思真嘗勦之凡殺數千人不得絕至是復議勦
以兵少中止思真一百十歲死

麗江土官木得在元爲宣撫副使洪武初入貢尋以
功授世土知府凡徵調征討皆在行間得死子初襲
從征思任亂有功後以居西陲能捍吐蕃每有徵調

但輸軍餼免其兵。洪八世至本。增值北勝。搆亂以兵。擒首逆進秩已九邊軍興助金二萬已。又以殿工助一萬。褒之。乃復條陳十事。下部議。可進三品秩。尋請老子謬襲萬歷中有兄弟三人。長名木公。次名木么。三名木人。長即土知府也。三人皆好禮。有名顧善取金。其法每雨過輒令所在犁其地。伺之。及又雨。耨而穫。拾皆金矣。特拾金皆輸之。官民間匿銖兩皆死。嘗貯金數十庫。僦人每僦以千計。人謂之木公金云。其地近西名狗西番。
姚安鐵鑄簿本。孫種前代無內附者。弘治中稍稍歸。

命間隸之姚安姚川諸土同知所顧無專屬至嘉靖
中始專屬姚安高氏遂稱姚安鐵鎖箐會逆曾鳳繼
祖反姚安有釣黨祖者統箐賊出犯蒙化爲繼祖應
及繼祖敗後他一切勿治箐以漏網反踊躍思爲亂
是時賓川大姚各寨環箐錯列有所謂赤石崖螳螂
古底烏龍壩大波那你甸楚腸各左木茶刺羌浪金
旦俄打喇小茶喇喇摩至寧直只瓢直諸酋率引箐
賊爲鄉導其地有所謂薄刀蠻驚過愁者皆懸巖大
箐天險可恃以故標桀無顧忌有火頭羅思者與百
夫長羅勤快善火頭漢言桀魁也勤快著異志而畏

羅思等不發會巫人李仙子挾幻術至箐謂思曰箐
中饒王者氣當今有赤手搏漢大制南仲者豈君乎
思應聲曰吾而不王誰當王者矣時勤快方治毒弩
藥矢聞思言亟貽思與謀思乃與勤快羅革等十人
自稱孟獲二十世後當世有南仲立爲冲天鐵面十
大王拜楊柱三爲相子撒爲將軍造符鑄印遂起兵
隆慶六年瀾滄兵備川汝德徵兵討之無功都御史
鄒應龍遣將楊州鶴潛至三姚偵諸羅狀三姚爭徒
跣訴諸羅不道州鶴返命會臨江特獲攻澁江城殺
府吏奪印諸部洶洶都御史乃夾策進勦陽名所司

令勿擅興師。卽興師當先將僕且必俟冬春瘴消而後請期。當是時姚安知府楊汝允以試事至謁都御史。都御史問勦賊事。汝允曰：「羅曾已誨罪，宜罷兵。」都御史急應曰：「諾。」旣而語裨將胡瀚曰：「太守豈以賊爲真可撫耶？」太守掾史與賊故等吏嘗遣人邀賊黨來謁，謂爲聽撫，索賞去。一旦上官移檄令持斧逐捕，輒先告賊。賊遁，逃夷官借捕亡命報仇，指示仇常劫人有姦賊，賊出夷官手，但借證實仇者罪。夷官與賊分姦，賊去凡所請皆詐。吾欲使瀚爲謀者往，慮無因，乃令繪二圖分勸善戒惡狀，令瀚持往，盡得其虛實，卽

令前軍軍安寧。駕言使末昌而密遣人以羽檄徵武定。直邽兵由紅古底喇以箐入攻鐵鑲。預以器械盛。橐中陽爲估商。旣已十道出。然後下令行。昆陽晉寧安寧諸郡以觀水利。郡中尚鼓吹。開闔如故。而都御史已徵服。至洱海。驟臨赤石崖。由俄打喇經毋喜。虜賣諸寨。自將中軍。而以副使湯仰軍大姚。僉事田汝弼軍賓川。征南將軍沐昌祚軍威楚。各與直邽武定兵應。乃召匠建坊山間。手書之曰平賊嶺。遂督瀚等攻阿寧。喇喇鮮摩烏只直蕞朶喇。賊姑寨次甸頭。鑾戰直破鐵鎖諸道。兵皆集爭先陷陣。斬首五百級。捕

獲生口七百餘人。羅思羅華走山洞死。餘賊保雞足山。鸚鵡郎官軍又破之。生擒李仙子王勤快等大搜諸箐。下土官庄。庄人縛僞相楊桂三將軍子撒來獻。乃破螳螂古底江郎小插郎。曾諸箐盡。平事聞。賞賚有差。先是箐中多幻術。能令人入箐逃。戒且技巧。男婦舞雙刀。上下山如蜚。及執李仙子試之。果能役巫鬼。預言吉凶。常夜易軍中櫟卒以亂刀斗。勤快亦能令屋瓦作浪石聲。驚人當其破鐵鎖時。裨將盧雲入箐中。見一白衣人持弩立巖上。雲追之。忽上樹不見。軍中望之者。以爲猿。云時赤石崖增設判官一人。專

以遂捕爲事而分鐵鑲箭外甸羅奈朶喇只荳欺只
摩鳳姑他仰坡章谷排紅古直黑雞直的務喇叭俄
打喇各左屬雲南赤石巖螳螂古底龜山屬北勝餘
部署如初

納樓普沙曾從高皇帝征伐積勞賜沙爵副長官使
食邑千納樓茶甸遂爲納樓茶甸副長官司四傳至
普星以叔父普顯食三山北寨使備陵南紅衣黑脚
諸崗星死子安在襁褓顯乃南安欲害之朝廷諭顯
罪當死會赦免其死旋復逃歸奪瓦喇孔及五畝水
塘二寨寨靖有盜卒子銓嗣顯復殺銓奪印而去銓

子崇正幼與其母訟諸朝顯與子普宗又坐法徙騰
而宗妻遺腹生阿乃請得食乃奄寨及崇正長襲官
阿乃亦長據乃奄倚紅衣黑脚諸險慨然曰瓦喇孔
五畝水塘吾大父食邑也不與崇正崇正訟之竟不
與于是相仇殺會饑人記來阿烟矣隊三百人藏匿
祿谷崇正密召至主魯寨而以酋長易兔掌之阿乃
亦名黑脚陵南諸蠻兵竝爲亂當是時曲在阿乃未
幾阿乃死可罷兵崇正欲盡并從弟崇新崇順寨令
車昂李朝鳴引記來等擊新等思奪其地不克值臨
安衛經歷邵鑑僕李英亡命納樓崇正名與議陰貽

千金一聽英所爲英復引儂人阿桃阿獎七百人擊破芭蕉嶺非肯寨殺阿賣等崇新亦帥酋長別者電王廷相阿寫等引校兵五百人擊破羅白俄賈法克諸寨殺略刀撐俺他等崇正憤甚復引儂兵擊破打娘多寨殺落書等會萬歷改元下令逮捕諸亂者先遣材官騎士驅校兵出境乃襲捕崇新崇順白亨白鮮王廷相阿籠等十餘人而臨安亦捕獲車昂李忠等竝繫之獄已復逮崇正不至御史按之急始就吏竟坐法免于僇襲而吏議以崇順不與亂謀乃出順令其子五官保竝食別者電寨餘夷死獄中李英聞

順出怒復引儂兵擊破別者電殺刀博等明年銓復
令李英趙春擊破別者電殺崇順其妻楊氏及五官
保遁芭蕉嶺英乃據宗恰孟弄以爲險守將楊州鶴
出戰不利別將楊守廉復調蔣甸兵轉戰復不利都
御史鄒應龍會征南將軍沐昌祚統武定新化兵四
而攻擊大敗之生擒李英阿桃阿葵習翰朗掌等會
僕死英等亦死應龍予告去儂人阿六矣登乘間出
殺略御史郭廷梧等議以儂攻儂立調廣南土舍儂
文舉往捕果生得記來阿烟矣兌阿六矣登及朗阿
耶楞等而餘黨悉平其後紀平儂功謂應龍撫御失

宜免應龍其他邊將楊守廉等皆以要功啟募坐市
死聞者冤之

緬甸古朱波地漢通西南夷謂之揮唐謂之驃宋元
至明則謂之緬以其道里之緬邈也其族不一種呼
十緬有所謂得楞子阿瓦如猛別雍會普潞洞吾擺
古者而築江頭太公馬來安正國蒲甘緬王五城元
至元間遣將軍兀良吉解擊破之建邦牙軍至高皇
帝二十六年緬王南速來朝明年置宣慰司以其長
卜刺浪爲宣慰使卜刺浪緬王稱也緬人呼王爲卜
刺浪王之妻爲未潑刺其地東至八百南至海西至

孟養北至猛密去黔南二千二百八十里山金齒滿
漂過怒江踰高良弓山取道麓川經蠻牛莽港蒙叟
汎金沙江至緬境有城郭廬舍金銀寶玉且饒鹽利
王出入乘象馬有文書其行軍者名錫刺善火器置
鳥鎗獸弩錫刺每持兵在前則衆荷供具隨之故軍
行五六萬戰者不滿二萬永樂三年緬酋那羅塔來
朝那羅塔者卜刺浪長子也詔使襲宣慰而更定平
緬木邦孟養緬甸八百車里老撾大古刺底馬撒靖
定爲十宣慰司至五年緬酋馬者速復來朝馬者速
者卜刺浪次子也初卜刺浪分緬地使那羅塔管大

甸次子管小甸暨卜刺浪死那羅塔盡收其土地人民有之而逐馬者速馬者速往依速睹嵩土官板洋爲贅壻至是來朝訴其情而請復小甸以從父命詔諭那羅塔使悉還土地資產既而緬人與孟養刁木旦仇殺救行人張洪持節往正其罪那羅塔遣使乞宥許之十五年建緬甸館于京師宣德二年宣慰新加斯與木那仇殺而死子弟皆潰散緬耆父老共推大頭目莽得喇權理其地而緬人便之遂請莽得喇襲宣慰使五年麓川思任及緬甸莽得喇各遣使上言木那罕門占據其地縣公沐晟諭還之至正統中

麓川思任遁緬尚書王驥定西伯蔣貴索思任于緬而許以地緬乃獻思任并其妻子敗徒板塞等語詳麓川誌中弘治元年緬甸來貢且言安南侵其地二年遣編修劉戡諭安南罷兵而其後有莽紀歲者爲木邦罕烈孟養思倫所殺

常思倫罕烈之擊緬也旣殺莽紀歲而瓜分其國緬人赴闕訴不報嘉靖六年始命永昌知府嚴時泰往勘時孟養尚強思倫夜縱兵鼓譟焚驛舍時泰等僅以身免乃別立土舍莽卜信守之而去時有齎金牌千戶曹義併爲所殺值安鳳之亂不遑問其事也莽

紀歲有子生于雪中其體有光滿室因名瑞體少奔
匿洞吾母家制吾母養爲已子既長與養母通洞吾
曾死瑞體妻養母而有其地洞吾之南有古喇一名
擺古濱海與佛郎機隣古喇會兄弟爭立瑞體和解
之古喇德瑞體爭割馬革地爲獻受其約束號瑞體
達喇達喇華言公道主人也瑞體乃舉衆絕古喇糧
道殺其兄弟而併有其地會緬僧有妖術者歸之樹
海崗七十白衛諸蠻畏之尊爲金縷白象王常是時
滅緬者木邦孟養而與緬相抗者猛密也猛密思烈
子思奔思糯相爭奔訴于瑞體瑞體殺奔僞立思烈

次子思混改名思忠而假途于混以掠孟養卽留土
目卓吉據其地旣而卓吉爲奔圻猛乃酋別混所殺
瑞體破猛乃執別混卽欲入寇內地時朝議用總兵
官沐朝弼請已于蠻哈設兵防緬瑞體覘有兵遁去
故事土司襲替皆勘實請命于朝隆慶二年木邦土
舍罕拔遣使告襲官吏有索賂者拔怒與弟罕章集
兵截旅途使漢人不得通會乏鹽乞于瑞體瑞體餽
之五千簞拔感緬而悲中國遂攜金寶象馬詣瑞體
致謝瑞體見拔歡甚贈以寶帶緬鐸白象罽錦珍貝
香藥甚夥遂約爲父子時有官府只愛一張紙打失

地方二千里之諸而于是向之爲緬僇者今且臣緬
矣。潞江安撫線貴聞之亦投瑞體曰謀聚內侵且遣
使召隴川多士寧士寧不從旣而士寧爲岳鳳所殺
鳳隴川稱弄也會于崖宜撫刀怕舉死罕拔請瑞體
襲于崖于崖下則隴川多忠幼而新立可乘勢取之
瑞體卜于緬僧吉其子莽應裏悍而狡謂瑞體曰隴
川于崖雖無主路遠難取迤西思箇地廣兵強世讎
殺倘我遠事川崖而乘虛襲我此敗道也莫如稍助
拔兵聽其自取夫迤西木邦在我肘腋若迤西不爲
我有尚望能出三宣侵未騰乎瑞體然之偕拔兵一

萬令自取于隴而已。率兵侵迤西迤西思簡出應敏
相持不決而隴川岳鳳見其主幼陰欲據其地亦賞
重賂投緬拜爲父蠻莫土目思哲亦迎降緬緬納爲
義子乃調緬兵萬餘爲疑兵出入于緬甸迤西界上
牽制思簡復檄罕拔兵會岳鳳隴川襲多忠萬歷元
年緬兵至隴川多士寧妻罕氏木那女也力不能支
懷印信攜二子多忠多孝并二女及姪罕朝光潛奔
永昌當事不能救仍遣罕氏還隴川罕拔素疑朝光
欲爭襲木那宜慰惡之至是鳳見罕氏同朝光還遂
貽書拔請爲拔除朝光并戮罕氏拔喜令罕章罕難

等助之夜襲罕氏。罕氏攜二女走于野。屬執之。斷其
右臂。奪其印。并擒殺朝光而生送二女于緬。多民族
屬殘殺殆盡。鳳遂受緬鐸。據隴川。乃與罕拔思哲定
盟。必執思混下猛密奉瑞體以拒中國。時僞爲錦囊
象雨。其葉緬文。稱西南舍樓白象主莽噠喇弄王書
報天皇帝中多誇謾之詞。皆鳳所爲也。而罕拔則恃
緬勢。名于崖。乃怕舉弟怕文曰。汝嫂我妹也。吾欲妻
汝。并汝兄宜撫皆爲汝襲。可據于崖。以臣緬怕文挾
二子奔詣同知薛術守備李騰霄。愬言拔欲怕文背
漢事。緬妻嫂滅姪。無天理。怕文世受國恩。願與戰。次

口方戰適瑞體遣子應裏喇爾率衆二十萬分戍隴
于間拔以其兵驟臨之怕文貴奔未昌而衛與騰霄
俱退去拔遂取干崖卽令罕氏收掌罕氏卽拔妹也
且與緬鐸令罕氏以女土官臣緬而召蓋達副使刁
思管雷弄經歷廖元相佐之給貝葉符令同守干崖
以防中國常是時木邦蠻莫隴川干崖諸夷俱已附
緬而迤西猶未決也金騰副使許天琦遣指揮侯度
持檄招諭迤西思箇乃刻木二一書天皇帝號一書
莽噠喇率衆拜之以卜向背而莽噠喇木墜地思箇
乃受諭與瑞體抗時瑞體大發兵攻迤西思箇告急

會天琦已卒署事副使羅汝芳知其事竊思簡使者
給空劄許以世襲令先回待援而募商人慣入緬者
千金給令往密伺其虛實來報于是機近緬諸夷說
以內向依期援進西遂調漢土兵馬躡至騰越思簡
聞援至喜甚立令土目烏祿刺送領兵萬餘絕緬糧
道于阿瓦寨且督大兵伏戛撒誘緬兵入截其歸路
然後自衝其前而請援兵自隴川尾擊之緬大敗會
緬絕糧金易合米屠象馬屑木剗草以爲食疫癘大
作死者如丘山瑞體請和不許時水兵開江中石關
衝潰緬舟而近緬諸夷如景邁猛華密受汝芳檄者

各訓勁卒聽指使值大計諸道入覲者恐軍興阻行
移書諸同事令文止援因汝芳不聽遽揚巡撫訓兵
連禍結失馭夷之道不便撫臣王凝馳檄止汝芳汝
芳接檄投地大罵然已無可如何思簡力旣疲援不
得發岳鳳偵知之暗集隴川兵二千兼程援緬導瑞
體由間道遁去思簡力追之且追且殺緬兵生還者
十不一二然而已失機事矣五年巡按陳文燧上請
經理然與時宰相牴牾事亦寢六年廷議遣使將迤
西所俘瑞體兵象侑以金幣諸物送還瑞體瑞體不
謝七年末昌千戶辛鳳奉使買象于猛密猛密酋思

混卽向瑞體所立改名爲思忠者也時亦臣緬執辛
鳳并軍伴送瑞體會瑞體修佛事遣使持板榔葉緬
文送鳳回是年瑞體復率兵象侵迤西報憂撒之怨
思箇以無援敗奔將之騰越中途爲奴郎都等執送
瑞體瑞體殺之盡據迤西地八年巡撫饒仁侃遣舌
人李阿烏諭緬阿烏至擺古見瑞體道皇帝威德引
先年蔣貴王驥征麓川事瑞體不語及言罕拔岳鳳
不法假緬力擾漢地瑞體陽應曰吾不知也居旬日
趣阿烏還十年岳鳳領緬兵襲破干崖土婦罕氏久
臣緬今復奪其印俘之無何莽瑞體死子應裏嗣

當岳鳳罕拔之臣。顧也。爲瑞體招附。諸夷拒中國。凌
已成勢。顧鳳心忌拔。常許拔于瑞體。不應。至是。嗾應
裏殺拔。併木那地。時拔子進忠守木那。應裏遣弟應
龍代之。拔孽子罕鳳與耿馬舍人罕皮謀共擒進忠。
獻應龍。乃以灣甸州景宗眞爲鄉導。追進忠于喳哩。
江進忠挈妻子內奔兵象從者。不十一餘。悉俘于緬。
緬兵入姚關。十一年正月。剽焚掠施甸。剖孕婦以上。
男寇末昌女寇順寧腹破。得女。攻順寧。破猛淋寨。指
揮吳繼勛千戶祁維垣死之。是年冬。又攻盡達副使
刁思定。求救不應。糧盡。城破。妻子族屬盡爲所擄。當

是時于崖刀怕庚雷弄廖元伯遮放刀落恩南何刀
落憲蓋達刀思定皆陷于緬給事楊文舉先爲保山
令穩知緬事上便宜七事詔下兵部議巡撫劉世曾
巡按董裕請以南京坐營中軍劉綎爲騰越游擊移
武靖叅將鄧子龍爲永昌叅將各提兵五千赴援副
以土兵應裏亦西會孟養猛密蠻莫隴川兵于猛卯
東會車里八百孟艮木邦兵于猛炎大併衆入犯姚
關綎與子龍大破緬兵于攀枝花地斬宗真罕皮首
乘勝追招罕招色所向無敵其捷奏有名地者曰蓋
達曰隴川曰喃略曰魚刀山曰朋麻曰猛林曰南何

曰黑猛弄曰大窩蒲曰章拜菁曰蘆子山曰猛林峽
曰黃蓮關曰夾象石曰小隴川曰西山曰六庫阿曰
憂陽曰遮放其捕獲土目有所謂賴真線乖從伯講
線唵喇啞喇玄喇斷波唵波猛喇喃捧貴欠院怕瑞
喇怕喇衣老戊喇喇喇立喇莫喇應吉頂乍者而行
問紀功有名則土同知高承祖土縣丞楊如檳土舍
者繼榮土勇小羅姐李八如土婦安素儀等自十年
十月至十一年四月斬首萬餘恢復蠻地三千里乃
復用蒲人爲偵探以計擒招罕招色于三尖山獲罕
虔妻朽妾博招罕妻羅送獄于是綏子龍率兵出隴

川猛密直抵阿瓦。阿瓦會莽灼瑞體弟也。聞官兵至，大懼。糾猛密思忠蠻莫思順詣縋，請降。旣而灼行至，曩朴病死。先是，灼有白象一，能決勝敗，不爽。每出兵，問之瑞體，嘗借以自隨。至是，問不應。應裏乃以灼子乃篤改名思斗莽，尉者守阿瓦，而岳鳳瞻顧行間，深悔緬不足恃，乃遣姪岳亨妻刃幼子喃欽，先請降。縋詰以五事，皆如約。而後許之一斬。陪臣首二追罕氏于崖，叩三獻爲舞，還殺擄男婦五，招徠進西鳳。初，出緬所，（此處文字模糊）不_二後_一請軍門請罪。時劉世氏金_{（此處文字模糊）}後請軍門請罪。時劉世

會等謂鳳有心計欲借之以招諸夷議處之金少上
游許不死故當時猛哈思化進西思威木那罕鳳皆
殺緬使詣緦降進忠亦集其餘衆來奔會六月焙毒
緬謂官軍必不前緦乃率緦甸土舍莽末順蠻莫蠻
洒阿線養凱挨旦猛莫遮思嚙得猛密所部五章蠻
弄允莫八外猛搔光臘遮倣錫跋猛廣猛炎東蚌小
猛養嚙諸夷兵不避瘴暑先登斬首捕獲無算奏捷
陞賞時諸夷向背多視岳鳳爲去留故緦欲暫假責
效俟事平正法而當事日索獻俘而不之察也十二
年冬征南將軍沐昌祚等檻車傳岳鳳父子五人及

莽糜啞晏得皮一人致京師上御皇極門受之祭告
如例于是諸夷解散蠻莫思順阿瓦莽末順猛密思
忠錫跋思奇迤西思威俱先後遁去仍投應裏詔讓
延等調劉天休爲將軍而應裏得意令酋長喇緬臘
塔答等帥阿瓦遮浪兵分屯遮魯噠喇麻哈戛廩補
魯煞勒紀哈猿喇夷博薛等城而自以精兵留密堵
且札阿瓦江以爲險天休帥指揮楊棟等擊破遮魯
噠喇諸城直逼阿瓦江緬見漢兵至驚潰乘勝斬殺
生擒緬目多婁長等拓地二千里金騰兵備李材上
其事帝在軍多士兵不知以級旣而復往腐濫且報

數多參錯御史蘇勣劾李林甫功伐蠻商首當緋兵
裸以我兵瘴毒死者幾眾其數仍不合軍書多欺罔
上怒逮材天休俱下獄法司屢上狀原罪不報時材
與天休前後上書大抵謂執緋曾大開長散奪者臣
也從迦西戶八章罕曩頂之請遣杜忾破遮浪者臣
也而謂伏毫無所捕則當時孟乃猛革猛養憂散是
誰捕獲遮些猛憂黑安都六是誰安插夫金沙江去
五章貫屯七八百里而遙又瘴毒居恒尚不能往來
豈有兵爭之口諸商得洋洋鼓棹而行使臣冒殺如
臺臣所言者如以爲割屍抵級則士卒當暑以疫癘

死者約五百人。卽五百人未必一時死。隨死亦隨痊。道左何至數月後猶聚屍一方。尚無腐朽。以待臣制。剝乎。且夷賊自報在密堵城殺呀泄泄。別在遮補城殺喃者。別者在大別養寨殺喇瓦。在憂廩補魯煞城殺喇過。在麻哈城殺喇別散。未聞夷商有名氏者。上終不省論棄市。其後以他事出獄。先是思忠等歸命時。朝命嘉其義。以思忠爲猛密宣撫。思化猛哈同知。思順蠻莫安撫。比信符至。而思忠等已復投緬。乃以忠母孀。孀母孀。孀各代子領該司印。至是應裏攻猛密。軍勢不能抵。其子思仁奔猛廣而。

猛密失猛哈思化復進奔蠻莫據之罕送其子思
華奔騰越時有問罪思化之議巡撫蕭彥密令撫夷
同知漆文昌撫化文百單騎入化壘化稽顙聽命日
云奴有助迤西殺緬取功今無所歸願寄食蠻莫從
之十七年孟養僞思真爲緬所擄其科弄思遠奉思
真妻來歸給以冠帶令思遠佐思真妻守孟養而思
遠乘亂自立爲宣慰肅諸部夷諸部夷引緬兵至聲
言還思真殺思遠妻妾同知漆文昌率思遠思昏寄
蓋西緬遂破孟拱僞署堵罕于孟養襲罕于孟拱而
去而攻孟廣罕烘思禮奔隴川思仁奔雅益而猛廣

亦失。十九年應裏欲乘勝至騰末祭告墳墓。率猛別
阿瓦糾堵罕。應罕兵象圍蠻莫思化。告急時思個據
迤西使猛密以雍會爲部落依壘。弄洞吾聲援而緬
復助之。征南將軍徵諸夷兵趨蠻莫多俘獲。至那莫
江接戰。會天炎官軍行不前。裨將萬國春選銳騎二
百伏等練。上下令夜舉火縛諸炬于樹。人執三炬。植
二炬地下。高岡鳴金鼓。喊呼震天。緬望見火光如僞
卒至。類十餘萬衆。及距遁而我兵追之。俘斬無算。時
給事張應登上書條緬事。謂騰末去京師三千里而
遙。一應上司請襲者。縣道不與勘給。但經駁覆動。

三十載乃令土舍管事強凌衆暴欲其部不亂難矣夫諸部分布原聽調度今策緬事者尚言暹羅國在緬後牛哇喇在緬旁當約令擾之而我得中邀鷸蚌之勝况姚安鶴慶景東北勝蒙化羅次之屬皆近部也夫得楞素有積忿阿瓦久懷不利加以木邦猛廣猛羅蠻莫猛拱孟養迤西新被讎殺而不因之以激結諸夷令自相攻擊此爲失策至若各省直有正副總戎兩人而滇南獨以一總戎居其省合宜改騰永參將爲副總戎其撫夷同知不宜拘九年遷轉之例當隆其體統以運同官行同知事鄧子龍往謂猛

邦可屯令蘿荷絲庄在三宣鼎足之中度道望北去騰衝南何南去隴川蠻莫西去干崖蓋達東去小隴川輕騎俱可一日至獨去芒市二日耳誠付子龍以屯而招遠人以聖恩編爲令甲願占籍者聽其自便復倣王驥故事凡武職有納粟百石者許陞級千廩以爲屯費乃收軍中善造火器者爲一營歲時監造土司喧寨不得以金銀什物爲常例錢著爲令則緬事可效不用是年應裏遣使等毋海弄查賫貝葉緬文求通而思仁復投緬先是思仁隨罕烘奔猛戍時有卦絲姑者思忠妻也思仁乘思忠投緬于奔行

時·悉·嫂·線·姑·卽·欲·得·之·以·爲·妻·而·罕·烘·不·許·至·是·罕·
其·與·線·姑·及·線·姑·子·思·禮·皆·奔·隴·川·而·思·仁·奔·雅·益·
率·兵·象·犯·隴·川·欲·擄·線·姑·去·會·隴·川·宣·撫·多·思·順·有·
備·弗·克·逞·懼·中·國·問·罪·乃·同·丙·訛·歸·應·裏·應·裏·僞·署·
思·仁·于·猛·密·而·罕·烘·思·禮·復·奔·芒·市·二·十·一·年·應·裏·
欲·以·允·墨·守·蠻·莫·思·仁·乃·以·猛·密·兵·及·猛·拱·堵·罕·孟·
養·龜·罕·集·衆·三·十·萬·象·百·隻·擁·送·允·墨·據·蠻·莫·思·化·
敗·走·墨·等·立·九·大·營·深·溝·高·壘·爲·久·駐·計·仍·分·道·內·
犯·一·入·越·放·芒·市·一·入·臘·撒·蠻·一·入·杉·木·籠·竝·出·
隴·川·多·思·順·不·敵·奔·猛·卯·二·十·二·年·巡·撫·陳·用·賓·出·

駐末昌先縣重賞購思仁頭乃以叅將王一麟攻播
哈指揮錢中選攻上關守備張先蔭攻打線中軍盧
永傳攻哈噉噉左右大斬獲遂克復蠻莫追之踰等練
賊狡甚僅以羸兵數人馬數匹遺道左既而以象數
隻羸兵數人遺道左而伏其勁者于箐崖中俟官軍
過山擊之官軍遂不敢窮追而返時御史李本固倡
設開屯計而用賓成之築八關于騰衝之邊曰萬仞
曰神護曰巨石曰銅壁曰鐵壁曰虎踞曰天馬曰漢
龍每四關設一守備戍之而募閩人黃龔使暹羅約
與得楞夾擊緬緬初以猛卯多僉爲鄉導寇我東路

至是遣木邦罕欽擒多俺殺之以絕其黨于是築平
麓于猛卯大興屯田會是時邊事旁午餉不給運米
石十金而值不與故銳意興屯三宣之內以營兵任
屯其他非營兵而願屯者聽二年小成免其賦三年
大成始十一而賦之是年緬督思仁寇蠻莫大敗之
斬其渠丙測二十六年車里老撾刁舊猛刁怕猛等
入貢而耿馬罕們灣甸景從真鎮康刁悶枳蓋達刁
思權皆修貢事獨孟義思肅以來歸爲緬所擊檄各
土司合救之緬遣去先是緬遣孟連孟艮及土舍刁
派漢等乞款貢詔賞應裏及子景蕙荷喊拍詔銀兩

使其赴騰衝來領復申之禁令曰毋陽順陰叛毋父
貢子犯母報怨思化其教思化亦曰毋絕緬賈道而
緬竟進詔至是思化子思正乘多思順之喪襲隴川
據其妻罕氏三十年阿瓦瓊罕與木邦罕拔子罕崧
俱率兵討思正當事者殺正以止其兵三十一年瓊
罕罕崧亦入貢緬勢頓衰而暹羅得楞復連歲夾攻
緬殺緬長子莽機搥擺古殘破自此緬不敢內犯然
蠻莫擺古洞吾等練諸近緬部終先後附緬如初至
崇禎末蠻莫思綿爲緬屬守曩木河會明亡末明王
僭號僞年未歷南徙與黔國公沐天波等走蠻莫思綿使

告緬緬使人迎之且傳語述萬歷時事并出神宗璽書索今篆合之差一分以爲僞天波出已印相比無差始服蓋自天啟後緬竟絕職貢無可考驗故也時天波與蒲縷謀乘間走戶臘二撒不果遂入緬居阿瓦對江阿瓦卽緬會所居城也末明從行者皆分給土人爲奴惟岷王子八十人遁暹羅去八月十五日爲緬朝會節各寨俱至強太波等行禮天波不訕同官馬古勃李國秦輩歸而耻之道經末明妃弟王維恭家索酒飲維恭有蠻妓黎心令出歌舞黎心泣曰此何時尚作樂耶吉翔怒撻之會末明將僞西寧王

李定國以兵索未明敗緬兵于洞武赭徑及瑞羊岳
逕抵南噶喇江屯洞怕別將白文選屯象腿各去緬
城八十里以無船將造船于馬得很井角緬大恐謀
殺未明以絕望值緬酋弟莽猛白弑兄自立慮諸蠻
不信欲示威集兵殺未明從臣沐天波以下四十二
人然後出兵與定國戰定國以十二舟濟師風發覆
五舟急引還屯黑門坎文選遽北走迎
大清軍于錫泊歸命定國走景線復走猛臘道病死
而緬人縛送未明王于
大清軍前請降時回降者有孟良孟定木邦蠻莫猛

密孟義諸有名部皆緬屬

西河合集

蕭山毛奇齡

字僧龍 稿

姜公銓山啟較
鮑同賢與升

蠻司合誌

一十

雲南

者繼榮羅雄土官也父濬為知州見營長妻美殺營
長奪之生繼榮十四歲即持刃逐殺濬濬大驚欲置
繼榮死終以其母故不忍假為就學銅他室實囚禁
之隆慶中濬老無子乃釋繼榮出使替職繼榮據州
遂逐父父訴之鎮撫鎮撫救繼榮迎濬濬歸繼榮陽

事之實則囚禁如他日囚已狀且別囚其嫡母隆氏而通烝父妾有沙氏者不肯從經死潯密遣土目者希訴鎮撫繼榮覺殺者希會萬歷九年大調羅雄兵征緬繼榮將行恐留潯爲難遂弑潯時霑益土知州安世鼎世絕其妻安素儀典州事亦提兵赴調繼榮見素儀大悅遂請合兵宿其營姦之且陰倚霑益兵力得自助而越州土舍海現其寡嫂資氏有殊色繼榮夙典道至是自師卽頓兵其家縱淫至數夕方去知州起應奎恨甚自兵備謀賁兵資氏僅擒繼榮繼榮脫走繼榮自以爲不容于衆陰恃兵力遂聚黨

古隣土不輸跼馬強淫諸夷婦無道先是繼榮生時
有異徵及生廣額大鼻雙目如鳳兩手垂過膝嘗曰
吾以此二肘揮斥天下足矣至是妖僧王道妖道楊
五郎見繼榮貌大奇請依繼榮繼榮喜過望乃鍊丁
甲祠鬼殺處妄毀旗鼓號為神兵且闢場演戰象募
諸士兵別檄馬卜古獐諸部諸部多應者獨水西隆
有義本繼榮外家畏禍且恨繼榮囚辱母隆氏不應
當是時臨安普安降元諸兵備就土兵甚嚴而巡撫
劉世曾巡按李廷彥拉齊檄諸道防不測繼榮乃以
阿東阿古李志明等各提兵戡法耶偏頭龍甸羊街

子諸處攻破陡坡鴨子塘六涼斬土舍沙東土婦資
氏奪其軍樂石城于嶺龍山寨高插天廣六十里建
龍樓鳳閣于其中而附以羣寨其下有龍潭九口險
不可越料諸軍妻若子盡質寨上繼榮警蹕樹黃纛
佑次日率羣寨涇諸軍妻諸軍妻無敢抗者十三年
巡撫世曾遣副使程正龍僉事鄭鑑爲將軍調諸土
兵寧州祿華訥峨峨六志貞師宗隴勝水西隆有義
雷益安紹慶越州資氏尋甸木遇春路南番騰雲秦
世文新化普同春武定俟世功亦佐沙騰蛟令裨將
劉綬萬黎劉紹理郭九鳴李延之等統之並馳普解

營自撒馬發兵攻赤龍寨斬阿姑捕兩隆氏資氏海
氏賊渠楊達孝妖道楊五耶等進攻普得龍及陀木
舌星諸寨斬王道張道俘獲男婦及降賊一萬七千
四百人器械什物無算追奔至阿拜江隆有義所將
卒斬繼榮提問賜劉世曾沐昌祚舒應龍程正誼祿
華誥等調曲靖衛中左所軍羅雄改名定雄建城設
流官知州敕者繼仁續者氏後給以庄田一切簿書
獄訟盡屬流官而是後有必六

必六土酋繼種居羅雄自繼榮滅後必六襲繼榮別
寨暗據其妻小隆氏且以名衆時羅雄初城知州何

倭甫赴任。以土舍者繼仁繼者氏兵衛稍弛。必六乃壁大莊寨。與電速阿非速理阿擺阿五得六人挾四姓寨反。萬歷十四年破羅雄州。殺土舍者繼仁及土目李木忠田承寶等。而執知州何倭驛丞張雲錦二人。將出城。會沙人三百人從他寨還。聞州城急。馳州觀。必六謂其援州也。大怒。合兵殺沙人百人。沙人奔迫之。至河上。復縱擊沙人。溺水死殆盡。時必六兵少。諸夷惡沙人死無故。不直無附者。而電伺人栢林等謀移兵討必六。必六懼。乃挾倭爲質。強倭伴移檄太府謂沙人反。破州賴必六擊賊。賊棄州走。倭見待罪。

必六軍請給必六等冠帶旌其功而後治俟以失守
之罪時臨安兵備文作出靖兵備金從洋知其詐請
興兵討賊都御史劉世曾止之卽日給冠帶然祇給
必六電連二人使諸賊自猜忌於是購士囚丘文奎
諸璦風必六入謝必六遣阿吉詣軍門世曾厚賚之
必六喜乃與文奎宴文奎密飲諸監門值天大風雪
寒甚令俟易夷服匿諸璦家夜出走江上江上軍伺
援者皆夜至衛俟問道至曲靖而世曾已預遣副將
李存忠叅將蔡兆吉守備張先聲等統寧州越州水
西霑益尋甸亦佐諸土兵及馬蓬古犛沙夷攻大莊

寨破之斬必六阿五得生擒阿束阿卓等攻都宜二
硬寨破之生擒方俗阿恕者洗等攻阿邦至大等還
擊自硬普拖破之斬阿擺等攻色屋阿野迤西七黑
安革木外破之斬阿慕等其捕獲生口及斬級俘鹵
牛馬器械無算上賜沐昌祚文作及土官祿華誥等
世曾先有諭賜告於是改羅雄州爲羅平調維摩州
黃宇以同知行羅平事何倏視維摩

順寧與大候接壤皆蒲蠻也順寧土知府猛氏大候
土知州奉氏世爲婚姻舊歷順寧猛延瑞與兄猛
思賢爭襲相攻殺而大候奉氏奉氏兄弟亦然學嘗

與赦分州治各設官署稱上下二衙雖赦居上衙學
居下衙顧相抗無次第有司雖知之亦不問而廷瑞
者奉學壻也二十五年廷瑞與兵攻思賢奉學助之
巡撫陳用賓疏請征勦而以僉事李先著叅將吳顯
忠統兵攻城擣其寨廷瑞急請降先著不許令擒奉
學自贖廷瑞乘間遁觀音山顯忠追及之連破數寨
斬奉學于陣而執廷瑞送軍門誅之事聞改設順寧
土官爲流官知府而改大候州爲雲州設流官知州
併先著縱賊罪論死未幾順寧猛麻與奉赦子奉
先奉學子奉恭請復土職統矣堵十三寨莽抗等復

構兵叛二十八年用賓復遣顯忠調土漢兵征之未
幾平

孟定舊名景麻洪武十五年置孟定府正統間知府
刁祿孟爲麓川所侵遠徙他部會木那舍日罕葛以
從征功靖遠伯王驥令饒食其地嘉靖間木那罕烈
侵孟定奪知府印私令舍人罕慶饒食之是爲耿馬
萬曆十二年官軍克耿馬復以罕葛之後罕合爲知
府十五年始給新印合死子榮襲榮死子貴襲崇禎
末孟定屬緬甸明亡未明僞將李定國索永明于緬
甸兵孟定合元江上兵攻詭良兼與緬戰而孟定以

畏。緬。不。少。助。定。國。乃。徙。去。

臨安阿述州普覺木東山營長宣德中以東山多寇
設巡檢司命普覺爲巡檢給以印旣而以他事坐廢
正德二年巡撫吳文度奏廣西維摩王弄山與阿述
接壤盜出沒仍令普覺後普納復繼前職給以冠帶
然或設或廢無定制至天啟中有普名昇者爲馬者
哨哨頭奢安之亂每奉調從征有功巡按傅宗龍題
授阿述土知州旣而驕甚崇禎五年御史趙洪範按
臨安名昇不出迎已山戈甲旗幟列數里洪範大怒
謀巡撫王伉列奏請檄川貴兵會計黔鎮商士傑布

政周士昌。擊名昇敗之。進圍阿迷。明昇恐。陽使人約降。而陰以重賄誘吾必奎。

吾必奎者。元謀士知縣也。其先吾氏。襲知縣以罪久廢。必奎征奢。安論功。復官。與沙源普名昇結納。名昇被圍。使謂必奎曰。君不聞狐死兔悲之語乎。阿迷不行。及元謀次。必奎然之。時必奎在調中。先登與名昇接戰。陽敗走官軍。辟易遂大潰。士昌轉戰死。事聞。兵部熊明遇。責仇起。戮與洪範俱。被逮。名昇就撫。然驕恣益甚。會總督朱燮元自貴。至。解之以威。不敢動。燮元去。跋扈如故。廣西知府張繼孟甫到官。昌言曰。名

昇人傑顧守法人自疑之耳爲牒移臨安道經阿逃
從來移牒過阿逃名昇必拆觀繼孟故爲獎勵語謂
名昇可大用不宜過激名昇大喜欲一見繼孟會繼
孟謁兵備使赴臨安名昇陰遣人道候繼孟繼孟預
戒從者至阿逃當訪知州去及至熟睡不得請遂踰
州治繼孟怒立榜從者客嗟曰此行甚急當速赴而
州公又必欲會如何乃先置驛騎使之俟而獨以數
騎回阿逃名昇使還已聞繼孟榜從者狀及見繼孟
乃大喜過望跪起迎來方進茶繼孟謂曰聞公善毒
人果否名昇大驚曰如公者方恨殺身無以報何爲

是言易。既請先。燭遂從繼。孟手取。既一仰而盡。繼孟遂告別。名昇苦留之。不得。曰。兵備有事。急俟。回痛飲。未晚也。繼孟疾馳。凡三易馬。至臨安。而名昇追騎將及。遽入城。免。是時名昇死。以名昇易。既時繼孟已擁毒赴間。而名昇不知也。已而必奎聚眾。反連陷武定。祿豐。楚雄。諸州縣。時寧州土知州祿永。命石屏州土目龍在田。俱與必奎。名昇及沙源從征。著名。而二人者。曾奉調至襄陽。從總理熊文燦。擊破流賊輩。里眼射塌。天子雙清文燦。留軍前。殺賊文燦。敗二人。乃罷歸。至是黔國公沐天波。徵之。統上兵會剿。遂擒必奎。

當是時名昇妻萬氏本江西寄籍女也役而淫據其衆役使諸小夷選部下壯而美者更番侍帳中會沙源與名昇往來其子沙定海定漢定洲三人者皆與萬通萬欲於沙氏兄弟中擇其一爲贅壻而嫌定海稚魯駕言鬪其兄弟名曰天定而明配定洲因飲定海酒酖之名昇有子曰服遠耻萬所爲與萬分寨居定洲并竊殺服遠而併其地時張獻忠已陷蜀定洲思據滇值必奎之變定洲赴調旣至而必奎已擒定洲遂稱亂

方定洲之赴調也沐天波實主之定洲怨言曰何爲

役我。會奸人僥希之余。錫朋遁。天波金無以償。錫朋
常入土司營。誇天波家富。定洲心動。陰結都司阮韻
嘉張國用。袁士弘爲內應。以十二月朔入城。辭行天
波以家忌未出。見定洲率衆譟而入。白日焚劫。天波
由小竇西遁。時祿未命在城。方巷戰。拒賊。從官周鼎
止。天波留討賊。天波疑鼎誘已殺之。其母陳氏妻焦
氏走城北。普吉村之金井巷。皆舉火自焚死。定洲乃
盡得沐氏所有。盤踞省城。剗巡撫吳兆元爲題。請代
天波鎮滇。而執故閣臣王錫衮。銅之傳檄州縣。祿未
命與龍在川。俱引所部去。萬時。姑阿迷聞曰。吾家當

爲此賊敗矣。謀至省，執定洲投誠。旣至，見定洲陽陽，
鹵簿警蹕，建旗纛晨夕，加鼓與王侯等，乃大喜。問天
波所在，因決策追天波。至楚雄時，楚雄爲必奎新破，
金滄副使楊畏知奉調至楚雄，留之。及見天波，
將合力計守禦。未具畏知乃曰：「公在楚，賊必以全力
聚攻。聚攻城必破，公何不西走？」未昌使楚得爲備，賊
卽西追，恐楚塞其後，留攻楚。又恐公從西來，首尾牽
制，上策也。天波從之。定洲至楚雄，城閉不得入。畏知
乃遣人給之，定洲去，遣其黨王翊、李日芳等分攻大
理、蒙化，陷之，屠殺甚慘。畏知乘間撤城外居民盡入。

城清四野。築隄濬隍。檄調士漢兵守之。定洲間祿未
命各守固。不敢至。未昌至。是恐畏知。截其歸路。急還
兵攻楚。雄雖百攻不下。值畏知坐城樓。賊發巨礮擊
之。烟焰籠畏知。賊謂已死。及烟散。畏知端坐如故。因
相驚爲神。畏知伺賊間。輒出奇兵擊賊。所殺甚夥。久
之。賊引去。復東攻石屏。不下。還攻寧州。祿未命戰。死
于是。迤東稍稍定。乃復攻楚。雄分兵爲七十二營。每
七營統大營一環。賊乞濠爲久困計。會張獻忠死。其
義兒苟可旺率殘兵出邊。義子黔許稱黔國焦夫人。
弟來復仇。民久苦沙亂。望其來。迎之。不知爲賊也。定

洲解楚雄圍去禦于革泥關大敗遁歸阿迷可旺破
曲靖及交水俱屠之遂山陸涼宜良入省據城池官
署法禁苛切較昔尤甚既而分遣李定國徇迤東諸
府而可旺自率兵西出畏知禦于啟明橋兵敗被執
可旺聞其名不殺誘降之曰吾今已不爲賊矣與爾
共扶明如何畏知曰果爾當從吾三事一不用獻忠
信號二不殺百姓三不擄婦女可旺皆許之卽折箭
對誓乃以書諭天波如畏知言天波亦歸省而李定
國之徇臨安者定洲部目李阿楚駐守拒戰甚力定
國穴地置礮礮發而城陷屠之殺城中官民于城外

白塲合七萬八千餘人斬獲不與焉初意定國破臨

安必襲阿逃取定洲乃僅掠臨安子女而回過河西

攻破晉寧而屠其城并屠昆陽呈貢歸化殺數十萬

人且盡殺臨安所獲婦女數千人于路是時迤西以

畏知在軍免屠戮而定國迤東之殺與獻忠同乃旋

師會可旺常是時定國偕可旺及艾能奇劉文秀四

人皆獻忠義兒稱四王拆呈貢昆陽二城磚石及會

城民居萬間造四王府于滇武場而尊可旺爲國主

置六部官爵典朝通寶銅錢括近省田地及鹽井之

利可旺欲示威戲下念同儕獨定國抗顏忽縛定國

于演武場聲其罪杖之百命定國取定洲以贖罪定
國雖憾之顧相素久無如何遂承命行初定洲歸屯
兵洱華屯與萬氏分險守且私通安南借其援以自
固會其目有陽嘉賓者迎定洲就營飲宴定國偵得
之率兵圍營凡相拒數月出降遂械定洲萬氏等數
百人盡殺之而徇定洲與萬氏剝其皮市中